

“Sì” dl parlament per i ladins

Dant otedì el passé definitivamenter la mudazion dl Statut d'autonomia dla Region Trentin-Südtirol che elimineia deplù discriminazions d'ivers di ladins, reconesc l'Comun general de Fascia y ti deura ai ladins tl Südtirol la poscibelté dla vizepresidenza dla Jonta provinciala



Daniel Alfreider tl Parlament a Roma.

Politica/1 - Al á volú ester trei agn y mez de diplomazia - sciche l'onorevole ladin Daniel Alfreider dij. Les proposes „ladines” y prejentedes dal deputat ladin Daniel Alfreider sciche prum firmatar á te dut chest temp messú, o podú (per certi política), vegni analisedes, critichedes tla comiscions y te aula de Ciamena y Senat, y á ence messú ti lascé valch pluma dant che resulté a l'alteza dla maioranza assoluta de oujes per passé te doi letures te Ciamena y Senat. Ajache al ne se trata nia demé de na lege ordinara, ma de na mudazion a la costituzion, tl detail: a la region y a les autonomies de Statut spezial de Trent y Bulsan, á Daniel Alfreider y i colegs dla SVP (en pert ence dla coalizion locala SVP-PD) cherí la colaborazion de gran pert di parlamentars. Al plu tert sen a fin de chesta legislatura ará vigni member de Ciamena y Senat audí almanco n iade o plu suvenz di ladins dles Dolomites.

L. deputat Daniel Alfreider s'á mostré der content dla aprovazion definitiva dla reforma dl Statut d'autonomia dla Region Trentin-Südtirol. En mercui seira do la lita ál

podú lascé ju - sciche al dij - gran peis, ajache al se ova dl 2013 tout dant chest travert te chesta sia pruma spana de laour polítich a Roma. Si coment sun la bota ciauda: „Lege Ladina liteda. Con gran legreza ves comunicheie che al é vegnú sen lité tla Ciamena di Deputac dl Parlament la reforma dl Statut de Autonomia, la „Lege Ladina”. Per nosta mendranza ladina el n moment storich, ajache al sará la pruma reforma organica tl Parlament dl statut de autonomia dal 1972 encí. Chest moment storich é dedicché a nos ladins, per tó demez descriminazions esistentes ciamó encuei. I tole ence l'ocajion per reingrazié due chi che á daidé sun chest troi dla reforma.”

La lege é passada tla Ciamena enstadí a la prezenza de 480 deputac (sun 630 endut). De chise á 435 lité y 45 s'á astenú. 434 é stés a una da di de sci, n deputat soul é sté decontra. La maioranza assoluta metuda per chesta aprovazion definitiva fova de 316 (mec i deputac + 1).

Les maioures arjontes

Al é vegnú tout demez l passus

descrimitant per la Provincia de Bulsan che demé n talian o n todesch possa diventé vizepresident dla Jonta provinciala. L. medem é vegnú fat per les trei nominazions dla Comiscion di Sies, la comiscion plu importanta anter Provinzia y Stat: da sen inant possa i todesch y talians renunzié na sia delegazion ti lascian l troi davert a n ladin. N bel resultat el sauté fora per i ladins de Fascia, che ciafa ancoré l Comun general sciche comprensore unitar.

Tl iter che la „Lege Ladina” á fat tres el sté da passé via de vigni sort de desides - sciche l deputat ladin Daniel Alfreider dij. L. dessegn de lege á messú passé plu outes tres les comiscions y les assemblees con deplù mudazions y eliminazions de passaji damanés da forzes polítiches sciche i „5 Stelle” y l deputat di Vere Südtiroleise Florian Kronbichler („Sinistra Ecologia Libertà”). Si coment en gaujion dla ultima votazion: „I ladins costituzionai. Dí di ladins encuei a la Ciamena. I on aprové en via definitiva la proposta de lege costituzionala mudan l Statut de autonomia dla Region Trentin-Südtirol „en materia de sconsanza dla

va inant a plata 3

“Sì” dl parlament per i ladins

Dant otedí él passé definitivamenter la mudazion dl Statut d'autonomia dla Region Trentin-Südtirol che elimineia deplú discriminaziions dlvers di ladins, reconesc l Comun general de Fascia y ti deura ai ladins tl Südtirol la poscibelté dla vizepresidenza dla Jonta provinciala

va inant da la pruma plata

mendranza linguistica ladina'. Ensci dij l titul. I on porté a compiment cie che i peresc dl'autonomia, a l'epoca, o dant 45 agn en gaujion dl Secont Statut de autonomia se ova desmentié de imete. Al é l'ecuiparazion dl grup ladin ai doi gragn grups, todesch y talian, rest a val' ciaries publiches de prestisc. Al é na lege reparadessa. Ala i dá ai ladins dl Südtirol de avei per dert n vizepresident dl govern provincial, sciche ence na vizepresidenza te deplú istituzions y comiscions olache ai fova scluc fora enfin sen. Ala elimineia, donca, n valgunes discriminaziions a livel istituzional.

Personalmenter essi preferí che l'ecuiparazion di ladins - domanda legitima! - foss vegnuda fata a na

maniera plu moderna, plu inzisiva sun la realté sozjala y culturala - y nia demé istituzionala. Al é falé de sostegni che i esson aporté valch de propositif a la salvaverda dla cultura ladina. L. popul di ladins restará inant despartí sun trei provincies y does regions con normes de sconanza desferentes. I ladins dl Südtirol, a desferenzia de si compatrioc trentins, ne ará nia sie certl lital. Chest vuel dí che i ladins messará se encontenté ence tl davegni de na raprezentanza politica plu per „grazia politica“ giateda (SVP) che de dert.

I á prejenté te aula en inom de mi grup „Articolo Uno - Movimento democratico e progressista“ lums y ombries dl provediment, sclujan ju mi intervent per ladin con n 'Aodun n laur sinzier che porte fruc! Giulan de cuer"^m (ir)